

Bosna i Hercegovina

Federacija BiH

Kanton Sarajevo

Skupština Kantona Sarajevo

4.Radna sjednica

ZASTUPNIČKA INICIJATIVA

n/p predsjedavajućeg, gosp. Elmedin Konaković

usvajanje Pravilnika o inkluzivnom predškolskom, osnovnoškolskom i srednjoškolskom obrazovanju

Na početku moram istaknuti da sam na 34. radnoj sjednici SKS, u prošlom mandatu, predala inicijativu s namjerom otklanjanja formalno pravnih nedostataka našeg obrazovnog sistema kada je u pitanju rad sa djecom sa poteškoćama u razvoju, koja se iz ove današnje perspektive može reciklirati u smislu odnosa bivših vlada spram navedenog problema.

Usvojili smo zakon, pa smo nakon toga odlagali realizaciju obaveza po članovima koje smo sami sebi definisali, iako je jasno kako bez potpuno jasne implementacije svih zakonskih pretpostavki koje smo definisali, problem nismo sveobuhvatno ni riješili.

Moram pohvaliti senzibilitet ove vlade, tj. ministrice, jer su djeca u Edusu krenula na vrijeme u školu, ali je to nešto što predstavlja samo prvi korak do sistemskog rješenja koje nam je neophodno kada je u pitanju odrastanje i obrazovanje naše djece.

Veliki je broj NVO, koje očito zbog nedostatka sistemskog rješenja, pronalaze druge načine kako djeci osigurati potrebnu skrb, što jednostavno nije dobro niti mi kao socijalno osjetljivo društvo smijemo dopustiti da ostane kao individualna praksa i dalje.

S obzirom da još nismo definisali šta je nastavna baza za rad s djecom u budućnosti, te koliko je ista ušla u strukturu, jasno je da se sva suština rješenja problema nalazi u implementaciji člana 68 stav 2 što je obaveza ministarstva u smislu donošenja Pravilnika o inkluzivnom predškolskom, osnovnoškolskom i srednjoškolskom obrazovanju, sa bližim uputstvima za utvrđivanje potrebe za individualnim prilagodjenim programom, te njegovu izradu, realizaciju i evaluaciju.

U prilogu svoje inicijative dostavljam prijedlog jednog takvog pravilnika, koji su uradili ljudi sa iskustvom i znanjem iz predmetne problematike, sa jasnom namjerom da pomognu i nama i djeci u iznalaženju najboljih mogućih rješenja.

Na kraju pozivam Vladu, Ministricu i sve nas zajedno da pokažemo kako smo se spremni posvetiti ovom problemu odgovorno, rješavajući ga što je moguće prije, ako ne po vlastitom znanju, onda barem po modelu koji su nam priredili oni koji sebi više ne mogu dozvoliti luksuz bilo kakvog čekanja.

Sarajevo, 30.1.2019.

Segmedina Srna Bajramović
zastupnica SDP BiH u SKS